

稽神樞第四

大茅山之西南有四平山俗中所謂方山者也其下有洞室名曰方臺洞有兩口見於山外也與華陽通號為別宇幽館矣得

道者處焉

此山去大茅山可二十許里西南六七里有一洞口見外近時有人入見一青蛇在洞中因與呼為青龍

洞山近上及北面西面亦並有洞穴同不知何者是此兩口耳山上又有泉水冬夏不竭山

及方山也甚多南燭今積金山東此樹皆能高大館中諸道士所資為藥也

藥其中先止者有

張祖常劉平阿呂子華蔡天生龍伯高並處於方臺矣

張祖常者彭城人也吳時從北來得入此室祖常託形墮車而

死故隱身幽館而修守一之業師事上黨鮑察者漢司徒鮑宣

五世孫也察受道於王君

鮑宣漢司隸校尉為王莽所害宣子永永子昱昱子某

道藏輯要

真誥二

不

紫集二

劉平阿者無名姓名姓不示人也漢末為九江平阿長故以為

號行醫術有功德救人疾病如已之病行遇仙人周正時授以

隱存之道託形履帽而來居此室常服日月晨晝顏色如玉似

年三十許人

二君何容不知其本名既示不欲復說之耳戴孟之本族乃亦已陳之在後矣

呂子華者山陽人也陰君弟子已服虹丹之液而未讀內經來

從東卿受太霄隱書而誦之常以幽隱方臺為樂不願造於仙

位也

蔡天生者上谷人也小為嘯父賣雜香於野外以自業贖情性

仁篤口不言惡道逢河伯少女從天生市香天生知其異人再

拜上一檐香少女感之乃教其朝天帝玉皇之法遂以獲仙託

形鳥杖隱存方臺少女今猶往來之也天生師之

龍伯高者後漢時人漢伏波將軍馬援戒其兄子稱此人之佳

可法即其人也伯高後從仙人才道林受服胎炁之法又常服

青飢方託形醉亡隱處方臺師定錄君也伯高名述京兆人漢建武中為山都長擢

至零陵大守馬援征南日遣兄子嚴書曰龍伯高敦厚周慎口無擇言謙約節儉廉公有威吾愛之重之願汝曹効之効伯高

不得猶為謹勅之士謂雷平山之東北良常山之東南其間有

刻鵠不成尚類鶩者也燕口山三小山相隅故也一名方隅山下古人曾合九鼎丹於

此間也幽人在此時心樂居焉今常遊此方隅山下亦有洞室

名曰方源館亦有二口常見外也常有此五人為旅其山即是

別有二墩壠相聚今人不復有呼其名者前云李明合丹即是此矣幽人者掾去世後不欲顯名故號為幽人此是未受事且

道藏輯要

真誥二

全

嵩集二

停洞館修業也山今亦有兩小口五人為旅即向之四平山者

既去來相通故時共遊處也所以楊君夢掾云向從四平山來

也右六條是手新寫鹿迹山中有絕洞絕洞者纔有一二畝空

地無所通達故為絕洞洞室四面皆有青白石亦以自然光明

如燕舊作緲字如此張形下正平自有石牀石塌曲夾長短障隔分別

有如刻成亦整盛也東北有小口纔劣容人入入二三百步乃

得洞室初入口甚急愈入愈寬大也口外南面有三積石積石

下有汧索即可得也亦或以一小石掩穴口穴口大小俱如華

陽三便門便門亦用小石塞其口自非清齋久潔索不可得鹿

迹洞子亦爾不受穢氣故也此山今屬南徐州界正對茅山北望見之亦有道士住鹿跡在石上

故仍以為名洞口處乃可知而甚嚴潔亦无人敢觸冒者此云如華陽三便門則南洞北洞本大開餘東西及東南皆是塞矣

鹿跡華山中及洞主有謝稚堅王伯遼繁陽子號名耳是漢越

騎校尉何苗叔達也進之同母弟少好道曾居河東繁山之南

服食故自號為繁陽子中君答長史問葛玄云在蓋竹山恒與謝稚堅相隨今稚堅乃在此不知為去

來往還為當兩人同姓名也後漢書云何苗是何進異母弟為

車騎將軍黨附閹勢進被害時苗於朱雀闕下與進將吳匡戰

死被斬董卓又破棺出口支解之既非故為兵解去不知那遂

得來居此其母亦被刑苗既非進同生官位復異具苗而字達

於義不類恐別是一弟又有馮良馮良是南陽冠軍軍人少作

縣吏年三十為尉從佐迎督郵自恥無志因毀車煞牛裂敗衣

幘遂去從師受詩傳禮易復學道術占候家中謂已死十五年

乃還整修志節抗操嚴恪州郡禮辟不就詔特徵賢良高第半

道委之還家時三公爭讓位於良遂不降就年六十七乃棄世

道藏輯要真誥二 全蕭集二

東渡入山今在鹿跡洞中後漢安帝時人也漢書所載事亦畧同

又有郎宗者字仲綏北海安邱人少仕宦為吳縣令學精道術

占候風烝後一旦有暴風經窻間占知京師大火燒大夏門遣

人往參果爾諸公聞之以博士徵宗宗恥以占事就夜解印綬

負笈遯去居華山下服胡麻丸得道今在洞中後漢書載郎宗事云理京房易

善星算風角六日七分能望氣占候吉凶常賣卜自奉安帝徵對策為諸儒表後拜吳令時卒有暴風宗占知京師當有大火

記識日月遣人參候果如其言諸公聞而表上以博士徵之宗恥以占驗見知徵書到夜懸印綬於縣庭而遯去遂終身不仕

子顛字稚元傳父業研精學徒常數伯人順帝陽嘉二年徵詣闕上書十一事拜郎中還家後為同縣孫禮所害

其餘其王叔明鮑元治尹蓋婦之徒復二十餘人並在北山不能復一二記之也此數人是絕洞諸山之主耳此絕洞仙人亦

思得學道者欲與之共處於洞室困時死其人耳

此洞既無所通達正是地

仙棲處必非三十六天之限也

道喪由簪良可哀矣寓家辱人哉

簪者謂人貪仕宦衣冠坐

此不得務道家室本寄寓耳此洞中乃是永宅為戀戀不去實足辱敗人矣此亦諷誘於長史耳

右保命君告

右三條楊書

范帥云三官有獄官不名廷尉名大理李豐今為大理都餘一

守缺以擬王附子不以與許虎也守職如今獄之三官也

李豐字安

國改字宣國馬胡人李義子本寒微有才志遂事魏為尚書僕射尉與夏侯玄謀廢晉景王事泄召來令人以刀環撞腰煞之

大理當為大理即古之獄官前漢洎魏時廷尉亦名大理此職是仙官也王附子是王公之小名許虎即虎牙也

鮑靚因吾屬長史鼠子輩既爾可語郡守令得反映亦屬吾其家比

衰欲非可奈何可寫存之耶

鼠子恐是鮑靚小名鮑為南海郡仍解化兒輩未得歸都所以屬之

道藏輯要

真誥二

全

齋集二

鮑即許先生之師也

右二條有楊書

武當山道士戴孟者乃姓燕名濟字仲微漢明帝末時人也夫

為養生者皆隱其名字藏其所生之時故易姓為戴託官於武

帝耳而此人少好道德不仕於世矣少孤養母母喪行服葬服

闕遂入華陽山服朮食大黃及黃精種雲母雄黃丹砂芝草受

法於清靈真人即裴冀州之弟子也得不死之道裴真人授其

玉佩金鑑經并石精金光符遂能輕身健行周旋名山日行七

百里多所經涉猶未得成仙人也

戴乃授行玉佩金鑑而止不

難詳後又云玄真亦其鈔要行之者神仙不死又與本經不同又石精金光符既不為劍用則止是解化一符單服者此符主

隱遜不云健行也種五品芝世亦有法仙人郭子華張季連趙叔達晚又有山世

遠者此諸人往來與之遊焉昔居武當今來大霍欲從司命君

受書故未許焉山已得為太和山矣餘三人不見別顯出也戴公拍腹

有十數卷書是太微黃書耳此人即謝允之師也按金相傳太微黃書第八

篇有目錄云凡有八卷唯此一卷出世今戴公乃有十數篇亦為不同拍腹之義謂恆以繫腰也其外傳事亦同此謝允字道

通歷陽人小時為人所略賣往東陽後告官被誣在烏傷獄事將欲入死夜有老公授其符又有黃衣童子去來於是得免咸

康中至襄陽入武當山見戴孟孟即先來獄中者因是受道又出任作歷陽新豐西道三縣所在多神驗年七十餘猶不老後

乃告黃衣童子者即玉佩金鑑之官耳云坐上常有一人共坐

勝者應是勝勝不明狀也即太極真人時往來也按說如此似答問黃衣童子亦可可是午時既及

謝因此面訪其事

道藏輯要

真誥二

齒

紫集二

受行玉佩金鑑經自然致太極真人諺云服九靈日月華得降

我太極之家此之謂也玄真之法亦其鈔要也行之者神仙不

死裴真人有弟子三十四人其十八人學佛道餘者學仙道應作扁字弟子劉顯

林辛仲甫趙子常

周真人有十五人弟子四人解佛法入室弟子王瑋達李建道泉法堅

桐柏有二十五人弟子八人學佛入室弟子于弘智竺法靈鄭文成陳元子此當略舉標勝

者耳辛泉于竺皆似胡姓也當是學佛弟子也

右八條有掾寫共一篇相連

霍山中有學道者鄧伯元王玄甫受服青精石飯吞日丹景之

法用思洞房已來積三十四年乃內見五藏冥中夜書以今年

正月五日太常遣羽車見迎伯元玄甫以其日遂乘雲駕龍白
日登天今在北玄圃臺受書位爲中嶽真人伯元吳人玄甫沛人華陰山
中有學道者尹虔子張石生李方回並晉武帝時人授仙人管
成子蒸丹餌朮法俱服得延年健行又受蘇門周壽陵服丹霞
之道行已五十年精心內視不復飲食體骨輕健色如童子以
今年二月十二日太乙遣迎以其日乘雲升天今在玄州受書
爲高仙真人張石生爲東源伯衡山中有學道者張禮正治明
期二人禮正以漢末在山中服黃精顏色丁壯常如年四十時
明期以魏末入山服澤瀉柏實丸乃共同止巖中後俱授西城
王君虹景丹方從來服此丹已四十三年中患丹砂之難得俱

道藏輯要

真誥二

全

齋集二
801

出廣州爲沙門是滕舍爲刺史時也遂得內外洞徹眼明身輕
一日行五百里又兼守一守一亦已三十年以三月一日東華
遣迎以其日乘雲升天今在方諸廳室俱爲上仙滕舍以永和十年甲寅年

爲廣州刺史此得仙乙丑歲十二年是爲前服丹已三十二年猶更出查也

廬江潛山中有學道者鄭景世張重華並以晉初受仙人孟德
然口訣以入山行守五藏含日法兼服胡麻又服玄丹久久不
復飲食而身體輕強反易故形以今年四月十九日北玄老太
一迎以雲輶白日升天今在玄州括蒼山有學道者平仲節河
中人以大胡亂中國時來渡江入括蒼山受師宋君存心鏡之
道具百神行洞房事如此積四十五年中精思身形更少體有

真炁今年五月一日中央黃老遣迎卽日乘雲駕龍白日升天

今在滄浪雲臺大胡亂者是劉淵劉聰時也后勒為小胡剡小白山中有學道者趙

廣信陽城人魏未來渡江入此山受李法成服炁法又受師左

君守玄中之道內見五藏徹視法如此七八十年周旋郡國或

賣藥出入人間人莫知也多來都下市丹砂作九華丹丹成一

服太一道君以今年六月十七日遣迎停三日與山中同志別

去遂乘雲駕龍白日登天今在東華海中有狼五山中有學道

者虞翁生會稽人也昔受仙人介君食日精法以吳時來隱此

山兼行雲炁迴形之道精思積久形體更少如童子今年七月

二十三日東太常遣迎卽日乘雲升天今在陽谷山中狼五山在海中

道藏輯要

真誥二

全

卷三十一

對白章岸今直呼為狼山

赤水山中學道者朱孺子吳末入山服菊花及朮

餌後遇西歸子從乞度世西歸子授以要言入室存泥丸法三

十年遂能致雲雨於洞房中今年八月五日西王母遣迎卽日

乘五色雲車登天今在積石臺

赤水山云在鄞縣南十里從楠谿口入三百里山正赤周迴五

十里高千餘丈如此則應是臨海永嘉東北名赤巖者也許先生所住赤山一名燒山卽此

名山五嶽中學

道者數百萬人今年有得道而升天者人名如別年年月月皆

有去者如此不可悉紀今為疏一年之得道人耳有不樂上升

仙而長在五嶽名山者乃亦不可稱數或為仙官使掌名山者

亦復有數千

九月二十日夜清靈疏出

右八條有掾寫共一卷相隨清靈猶是裴清靈也此九月卽應是乙

丑歲卽疏其
年中得道者

吳睦者長安人也少爲縣吏掌局枉尅民人民人訟之法應入
死睦登委叛遠遁山林餓經日行至石室遇見孫先生在室中
隱學左右種黍及胡麻室中恒盈食睦至乞食經月不去孫先
生知是叛人初不問之與食料理及誦經講道說及禍福睦聞
之於是心開意悟因叩頭自搏列其事源立身所行自首事實
求得改往遂留石室爲先生掃除驅使經四十年後先生受其
道俱採藥服食胡麻精修經教得三百二十年服丹白日升天
朱犇者陳留人也爲人無道專作劫盜後人發覺收掩犇得逸
出遠他境至汝南少室山中見馮先生隱學云後三年乃受其

道藏輯要

真誥二

七

卷集二
八〇三

真仙留山服食修道三十八年後入東阮山中壽百四十七歲
仙人降將入大有山洞中成真人郭靜者潁川人也少孤無父
母兄弟窮苦依棲無所年十六縣召爲吏後得罪仍逃伏經二
月日不出遇見鄭先生救度一切以法勸化之靜遂隨鄭負擔
驅使經七年不敢懈怠遂受其導引之要餌服山朮茯苓得壽
三百歲復於天維山赤松子降受其二人真道今在大有洞中
爲真人

范伯慈者桂陽人也家本事俗而忽得狂邪因成邪勞病頓卧
床蓆經年迎師解事費用家資漸盡病故不愈聞大道清約無
所用於是意變聞沈敬作道士精進理病多驗乃棄俗事之得

五十日病疾都愈云云後詣陸玩之受真內道玩之不能入山伯慈不樂於世遂辭去入天目山服食胡麻精思十七年大洞真仙司命君下降受三十六篇經後服還丹白日昇天今爲立一真人所注云云處是抄事人不能併取非本闕也有四條而辭旨有用故紀續之又此四人各有所明一則酷吏二則凶劫三則孤熒四是事俗並世間薄運遂能得道足知心之所造非關善惡者也

司馬季主後入委羽山石室大有宮中受石精金光藏景化形法於西靈子都西靈子都者太玄仙女也其同時今在大有室中者廣甯鮑叔陽太原王養伯潁川劉璋惠岱郡段季正俱受師西靈子都之道也季主臨去之際託形枕席爲代已之像墓

道藏輯要

真誥二

亥

齋集二
卷上之三

在蜀郡成都升盤山之南諸葛武侯昔建碑銘德於季主墓前碑讚末曰玄漠太寂混合陰陽天地交泮萬品滋彰先生理著分別柔剛鬼神以觀六度顯明真誥云季主咽虹液而頭足異處劍經註云吞刀圭而虫流今東卿說云託形枕席爲代已之像似當是作錄形靈丸兵解去也漢史既不顯其終无以別測其事也

廣甯鮑叔陽者漢高帝時趙王張耳張敖之大夫也少好養生服桂屑而卒死於廁溷間今墓在遼東薊城之北山漢高置燕郡以薊屬燕當是未分時也太原王養伯者漢高吕后攝政時中常侍中瑯琊王

探也少服澤瀉留侯張良俱採藥於終南山而養伯不反遂師事季主前漢中常侍不用闔人中郎非侍郎之官或是後別爲此位耳潁川劉璋惠漢景帝時公車司馬劉諷也後事季主晚服日月炁爲入室弟子道成

晚歸鄉里託形杖履身死桑樹之下今墓在汝南安城縣西山

岱郡段季正本隱士也不聞有所服御晚乃從季主學道行度

秦州瀾水拘得尸而葬川邊今南鄭秦川是也此人亦季主入

室弟子尋此四人並是用靈丸雜解之道季主一男一女俱得道男名法育也

女名濟華今皆在委羽山中濟華今日正讀三十九章猶未過

竟此理亦欲難詳季主讀玉經服明丹之華挹扶晨之暉今顏色如二

十女子鬚長三尺黑如墨也昨日東卿君道此如所疏真奇事

也不知果云何耳此一行楊君自記與長史不知之辭或云別有以季主託形隱景潛

跡委羽紫陽傳具載其事也昨夜東卿至聊試請問季主主本

末東卿見答令疏如別為以上呈願不怪之省訖付火此初君與長史

道藏輯要 真誥二 卷之二 九

書今有華撰周君傳記季主事殊畧未見別真手書傳依此語則為非也此目前似有按語今缺失一行是後聖李

君紀也大都與前者略同然東卿復兼有注解注解近萬餘言

大奇作也昨來多論神化之事聊及季主耳去月又見授神虎

經注解注解非世間所聞亦自不掌其旨也若更聞如季主比

者自當密白此亦楊君與長史書也既是論季主事故仍以相次不復出置下卷長史撰具仙傳欲以季主最在

前所以楊君為請問本末也司命所注二經並未出世也

右十條有楊書

范安遠適云湛子不事齊齊師伐之春秋傳曰湛無禮也此期左傳

上事諶字作譚字音譚國名也莊王十三年為齊桓所滅不知何故述此亦似有所指者也莊子師長桑公

子授其微言謂之莊子也隱於抱犢山服北育火丹白日升天

上補太極圖編

長桑卽是扁鵲師事見魏傳及史記世施存人荀知莊生如此者其書彌足可重矣

者齊人也自號婉盆子得道變化景之道今在中岳或少室往

有壺公正此人也然未受太上書猶未成真焉其行玉斧軍火

符是其所受之枝條也施存是孔子弟子三千之數三千之限

不預七十二者明夫子不以仙爲教矣壺公卽費長房之師軍軍火符世猶有文存有三條有楊書九疑真人韓

偉遠昔受於中嶽宋德玄德玄者周宣王時人服此靈飛六甲

得道能一日行三千里數變形爲鳥獸得玄靈之道今在嵩高

偉遂久隨之乃得受法行之道成今處九疑山

其女子有郭芍藥趙愛兒王魯連等並受此方法而得道者復

數十人或遊玄州或處東華方諸臺今見居也

道藏輯要

真誥二

卒

齋集二

南嶽夫人言此云郭芍藥漢度遼將軍東平郭憲女也少道篤

誠真人因授其六甲趙愛兒者幽州刺史劉虞別駕漁陽趙該

姊也好道得尸解後又受此符王魯連者魏明帝城門校尉范

陽王伯綱女也亦學道一日忽委聳李子期入陸渾山中真人

受此法子期者司州魏人清河王傅也其常言此婦狂走云一

旦失所在此事乃出靈飛六甲經中長史抄出之漢大將軍霍光有典衣奴子名

還車伺見二星得年六百歲今猶在焉此事出方諸洞房經後長史抄出按魏書有二

青龍元年并州刺史畢軌送漢度遼將軍范明友解婢奴年千三百五十歲言諸飲食如常人奴云霍顯者光祿少妻胡友妻

是光祿前妻如依吞琅玕之華而方營邱墓者衍門子高邱子

洪涯先生是也衍門子墓在漁陽潞縣幽州漁陽有潞縣今黨亦有潞縣衍門卽羨門

也高邱子墓在中山聞喜縣中山有安喜縣聞喜乃屬河東洪涯先生墓在武

威姑臧縣涼州記作姑臧縣此三郡縣人並云上古死人之空塚矣而

不知高邱子時以尸解入六景山後服金液之末又受服琅玕

華於中山方復託死乃入玄州受書為中嶽真人於今在也

衍門子今在蒙山大洞黃金之庭受書為中元仙卿洪涯先生

今為青城真人

漱龍胎而死訣飲瓊精而叩棺者先師王西城及趙伯玄劉子

先是也王君昔用劍解非龍胎諸丹恐瓊精即是曲晨耳服金丹而告終者臧延甫張

子房墨狄子是也

挹九轉而尸梟吞刀圭而虫流司馬季主甯仲君燕昭王王子

道藏輯要

真誥二

三

嵩集二

晉是也

桐柏亦用劍解當是此吞刀圭者非九轉也司馬季主亦以靈丸作兵解故右英云頭足異處燕昭學仙而不見別跡景純云无靈周穆王北造崑崙之阿親飲絳山石髓食

玉樹之實而方墓乎汲郡此則穆天子傳所載見西王母時也夏禹詣鍾山啖紫

柰醉金酒服靈寶行九真而猶葬於會稽此事亦出五符中茅傳又云受行玄真之法

北戎長胡大王獻帝舜以白琅之霜十轉紫華服之使人長

生飛仙與天地相傾舜即服之而方死葬蒼梧之野此諸君並

已龍奏靈阿鳳鼓雲池矣而猶尸解託死者欲斷以生死之情

示民有終始之限耳豈同腐骸太陰以肉餉螻蟻者哉直欲遏

違世之夫塞俗人之願望也古來英聖之王唯未見顯堯及湯得道及鬼官之迹耳至於

青精先生彭鏗鳳綱商山四皓淮南八公並以服上藥不至一

劑自欲出處嘿語肥遁山林以遊仙為樂以升虛為戚非不能

登天也弗為之耳此諸君自展轉五嶽改名易貌不復作尸解

之絕也鏗則彭祖名也青精亦出彭傳及王君傳軒轅自採首

山之銅以鑄鼎虎豹百禽為之視火參鑪鼎成而軒轅疾崩葬

喬山五百年後山崩空室無尸唯寶劍赤鳥在耳一旦又失所

在也列仙傳云御龍攀髯及子晉馭鶴並玉子者帝佶也會詣

鍾山獲九化十變經以隱遁日月遊行星辰後一旦疾崩營塚

在渤海山夏中衰時有發王子墓者室中無所有唯見一劍在

北寢上自作龍鳴虎嘯之聲人遂無敢近者後亦失所在也帝佶

則堯父外書作馨字王子喬墓在京陵戰國時復有發其墓者唯見一劍

道藏輯要 真誥二 卷三 齊集二

在室人適欲取視忽飛入天中也欒巴昔作兵解去入林慮山

中積十三年而後還家今在鵠鳴赤石山中漢書云巴為桂陽豫章太守後下獄

死當仍是用靈九解云也亦出仙傳中

右此三條皆出掾寫劍經中經非可輕見既是說諸仙人事

迹隱居謹抄出以相輔類耳

至人焉在朕曜南辰含靈萬世乘景上旋化三道日月為隣實

玄實師號曰元人變成三老友帝之先安知至人不有來遊觀

化兆間混俗為僞釋羽沈鈴安此南堦豈將好兆染俗久留聖七

玄紀中云赤君下教變迹作沙門與六弟子俱皆顯姓名也為世染俗不適生期赤怪潛駭

三柱為災賢者南遊三嶽是之玄君來行人其誰知赤性則熒惑星也三

柱者五車星中三柱也陟屺反在元炁為元君在玄宮為玄師在南辰為南極

老人在太虛為太虛真人在南嶽為赤松子此乃天帝四真人

之師太一之友此四條是長史抄出不審本是何經書中事並是說南嶽赤君下教之旨師友之目小異諸經

桐柏山高萬八千丈其山八重周迴八百餘里四面視之如一

在會稽東海際一頭亞在海中金庭有不死之鄉在桐柏之中

方圓四十里上有黃雲覆之樹則蘇玕琳碧泉則石髓金精其

山盡五色金也經丹水而南行有洞交會從中過行三十餘里

則得此山今在剡及臨海數縣之境亞海中者今呼括蒼在甯海北鄞縣南金庭則前有弼所稱者此地在外猶如金

靈而靈奇過之今人无正知此處聞採藤人時有遇入之者臨

隙甚多自可尋求然既得已居吳安能復覓越所以息心桐柏

真人之官自是洞天內耳

道藏輯要

真誥二

卷三

紫微夫人言

紫微夫人言

右一條某書

八滄山高五千里周雨七千里與滄浪方山相連比其下有碧

水之海山上有乘林真人鬱池玄宮東王公所鎮處也此山是

琳瑯眾玉青華絳寶飛閭之金所生出矣在滄浪山之東北蓬

萊山之東南此即扶桑太帝所居也方山即方丈山也海中山名多載在五嶽序中耳方丈之西北

有陰成大山滄浪西南有陽長大山山周迴各一千四百里高

七百里其山多真仙之人所居處焉此二山是陽九百六歷數

之標揭也百六之運將至則陽長水竭陰成水架矣陽九之運

將至則陰成水竭陽長水架矣頃者是陰成山水際已高九千

丈矣

六百之來無復久時

陰成水際出山高則是高乃應云陽九而言百六似是誤言亦可見水起

際如

此高非先水退際爾但水性平又非端山相去不遠未解那得顛孤懸如此

右二條有長史寫

未至廟第一高山西頭龍尾北汧洪水一所發地長六丈餘廣五丈入土六尺水流勢撻地二百餘步去路三里對廟後第二高山西頭汧洪水一所發地長四丈餘廣三尺餘入土四尺水勢撻地三百餘步去路二里近廟後汧脇一所洪水發地長五丈餘廣四丈餘入地二尺餘水勢流入流汧中去廟一百五十步

右將山北凡三處發洪水流勢西北行

道藏輯要

真誥二

齒

觜集二
川文八

此三條是異迹既不見真手未審是非又不知此發洪當是何時事山南乃經有發處以積石塞之世呼為蔣侯飲馬汧而山後不見有此或當是將來期運之時乎